

周  
官  
心  
解

周官心解卷第二十四

諸暨楊莊蔣載康闡訂

同邑魏 謙校刊

秋官司寇第五之三

○布憲掌憲邦之刑禁。正月之吉執旌節以宣布于四方。

而憲邦之刑禁。以詰四方邦國。及其都鄙。達于四海。

起詰

吉反。此小司寇於去年正歲宣布者。布憲乃於此正月之吉。宣布於四方也。邦國諸侯四海蠻夷戎狄爾雅九夷八蠻六戎五狄謂之四海。都鄙諸侯采地著此。明中外一體。包畿內三采。蓋布憲所布起自王畿之都鄙。及諸邦國。又徧及諸侯都鄙。極諸四海之遠也。不及畿內鄉遂甸士師已於去年正歲親帥其屬而憲之。故不

也及

凡邦之大事合眾庶則以刑禁號令疏征伐巡守田獵皆大事合眾庶也

○禁殺戮掌司斬殺戮者凡傷人見血而不以告者攘獄

者遏訟者以告而誅之

註司猶察按斬殺戮定於上防刑官恣意輕重又或以甲代乙

故司察之傷人見血不以告強者行賄於其長長爲匿之不告士也攘攘竊攘奪獄訟各有司存非己所當聽而攘之罔利徇私可知矣遏訟士聽不實欲上訟司寇士忌之而橫加禁遏令冤抑不申也告告司寇以達王誅加罪戮戮尸膊路肆等亦該刑髡墨劓宮刑皆生受戮辱故此職以司斬殺戮爲重而又著三者見獄訟之弊無所不察也三者舉要

○禁暴氏掌禁庶民之亂暴力正者擣誣犯禁者作言語

而不信者以告而誅之。喬居表反。禁殺戮禁官之不

氏字此職氏字亦衍文亂顛倒是非暴暴害鄉里力強也暴亂不正以強脅人矯不正以爲正而使人從己是使朝政廢格不行也欲廢禁以行私先取朝政播誣之乃犯禁以行其詐是假廢禁以售姦而舞文肆惡也作言語如偽造圖讖童謠以惑衆信實也不信則脫空虛捏如風影不可捕捉愈使人危疑恐動是造言驚眾欲倡亂以逞其凶也以告而誅之漢必不輕矣三者皆暴民去寇盜不遠漢豈容貸哉

凡國聚眾庶則戮其犯禁者以徇凡奚隸聚而出入者則

司牧之戮其犯禁者

註奚隸女奴男奴聚出入有所使按當兼四夷之隸女奚罪隸固盜

賊家人而四夷之隸亦未

○野廬氏掌達國道路至于四畿

註達巡行通之使不陷絕也去王城五百里曰

畿

比國郊及野之道路宿息井樹。比必里反。註比猶較宿息賓客所宿及晝止者井

共飲食按樹道開木國語列樹以表道宿三十里路室息十里之廬即候館在五十里因迎候而設亦息也達

道路通於畿內比道路及野而止蓋外此為○若有賓

客則令守涂地之人聚櫟之有相翔者誅之。令力呈反櫟音託相

息亮反。註守涂地之人廬宿旁民也鄭司農云聚櫟之聚擊櫟以宿衛也按相去聲視也翔往還不息將為

奸者誅之加刑或呵斥

凡道路之舟車輦互者敍而行之。輦居錫反又音計。註舟車輦互迫隘處也按

敘行迫隘處次序其行令有先後乃不相礙也鄭剛中曰輦相值而礙互交互而不行○凡有節

者及有爵者至。則爲之辟。爲於僞反。註。辟行人亦使守涂地者。

禁野之橫行徑踰者。註。皆防姦也。橫行妄由田中。徑踰射邪趨疾越隄渠也。

凡國之大事。比脩除道路者。比必里反。註。比校治道者名。按國之大事。凡所經由皆

當脩治。故比之。疏。大事若征伐巡守田獵。郊祀天地。王親行所經。並須脩除道路。○掌凡道禁。

此亦承大事來。道禁如下。蜡氏除不蠲刑者。任人凶服等。不止絕蒙布巾。持兵杖之屬。

邦之大師。則令埽道路。且以幾禁行作不時者。不物者。大

包大事中。固已脩除矣。云令埽者。大師所經。車輦牛馬甚多。每隊過。卽車轍難行。糞穢狼籍。非逐隊埽除不可。

故令埽。非謂不必脩除道路也。註。不時。不夙則莫。不物。衣服操持非常。幾禁。備姦人內賊及反間。

○蜡氏掌除骹。蜡清預反。骹詳賜反。註。骹骨尚有肉者也。及禽獸皆是。

凡國之大祭祀令州里除不蠲禁刑者任人及凶服者以

及郊野大師大賓客亦如之

蠲古淵反。不蠲不潔也。如糞及穢惡等類。概令除

去也。刑者黥劓之屬。任人嘉石罷民及園土罷民也。皆去冠飾以執役。註第以園土罷民言失卻一半矣。凶服衰經此所禁除不欲見人所惡國及郊野準上野廬氏國郊及野

若有死於道路者則令埋而置楊焉書其日月焉縣其衣

服任器於有地之官以待其人

楊音竭。註有地之官主此地之吏其人家

也。鄭司農云揭欲令其識取之。按待其人體仁人孝子之心也。縣衣服任器於有地之官既予以識認又使不得沉匿而還所有以利之非至仁不能周悉若此矣。埋有棺槨可知。按漢漢家有二尸官予之棺曾聖王之哀死忍令徒委土中乎。○掌凡國之飢禁。

飢禁不理埋飢之禁也。前僅主在道者此禁偏及道路

以外凡天下貳之所在立予葬埋不得淹片刻也呂氏月令孟春掩骼埋胔夫骼肉盡之骨也待肉盡而掩在地爲犬貓食在山爲禽鳥虎狼食者不知凡幾矣況死亡何日無之必孟春而後掩埋彼其殞於禽鳥之喙飽犬貓虎狼之腹而掩埋無可施者一歲中天下之大可勝計哉聖王不忍人之政斷不爾爾此呂氏書陋劣之顯然者以此列於聖經後儒之陋劣也

○雍氏掌溝瀆滄池之禁凡害於國稼者春令爲阱獲溝

瀆之利於民者秋令塞阱杜獲

阱才性反獲胡化反。註溝瀆滄田間通水者

也池陂障之水道按春水盛漲不雍遏恐泛溢而害國稼故隄防以絕之又恐民貪小利小旱潛開故爲阱獲於上既使民不敢犯又得禁獸害稼且因之以獲禽獸之利也阱穿地爲塹以陷禽獸獲柞鄂阱淺設柞鄂於其中今謂之蒺秋時水涸溝瀆足以爲利故令杜塞阱獲任民開通灌溉也註欠晰害國稼利於民互見



禁山之為苑澤之沈者註為其就禽獸魚鼈自然之居而害之按山為苑視禽獸所歸之地

而遮列之而多設阱獲使山利盡於己澤之沈澤水產魚鼈而魚鼈就深欲盡澤利規度一方濬而深之於中

多置罩網傾取之而無遺此大害於山澤者也故禁之

○萍氏掌國之水禁註水禁水中害人之處及入水捕魚鼈不時○幾酒註苛察沽

買過多及非時者○謹酒註使民節用酒也按恐民醉而喪德廢時失事又取禍也黃文叔曰掌水

禁而使禁酒酒亦水之害人者也○禁川游者註備波洋卒至沈溺也

○司寤氏掌夜時註夜時夜早晚若今甲乙至戊○以星分夜以詔夜士

夜禁註夜士主行夜徼候者按二十八星四時十二月昏中宵中旦中歷歷不同以星分夜當主此夜士

微巡更代胥以星為準的則勞逸均易○禦晨行者禁彥祥曰此施於國中按凡城邑中盡然

宵行者夜游者

農行慮遭寇害禦遏止之禁宵行防姦禁夜游謹荒

○司烜氏掌以夫遂取明火于日以鑒取明水于月

烜音煨又

音暄夫如字。明秋象故司烜列秋官註夫遂陽遂也

鑒鏡謂之方諸按遂鑒形體彼此互見夫陽也則鑒為

陰遂可知鑒為方諸體方也方鑒也則夫遂為圓鑒可

知今陽遂取日中之火其鑒圓而突陰鑒取月中之水

雖灋不傳殆方而凹者與鄭剛中日鑒遂之齊同用金

錫半蓋陰陽之雜用諸晝陽氣應之而為火用諸夜陰

氣應之

○以共祭祀之明盥明燭共明水

註明燭以照饌陳明水以

而為水

為元酒鄭司農云明盥以明水脩滌染盛黍稷疏鬱粢

五齊以明水配三酒以元酒配元酒并水也與明水別

然對則異散文通謂之元酒按凡祭祀皆用明水火惟

三酒不用明水配耳明盥明燭固用明火明盥以外五

食六牲魚腊庶羞何一不用明火明燭以外燔燎燕蕭

亨煮何一不用明火若明水則彝尊以外鼎鑊甗甗等

亦一用之

凡邦之大事其墳燭庭燎

註墳大也樹於門外曰大燭於門內曰庭燎皆照眾為明故書

墳為蕢鄭司農云麻燭也按邦之大事若在祭祀當仍用明火

中春以木鐸脩火禁于國中

中音仲。註為季春將出火也火禁謂用火之處及備風

燥愚按夏官司燿行火令此脩火禁正與相反

○軍旅脩火禁

王昭明日軍中尤宜慎火易彥

祥曰大眾所集非時亦禁

邦若屋誅則為明竈焉

竈處院反。屋誅文王世子所謂刑

於隱殺不於市而適甸師氏者也兼王族及有爵者言明竈書其罪梏於葬所殺人皆加明梏肆市三日以暴

其罪屋誅就刑無明梏既殺不肆市故壙埋之而梏其罪於竈上

○條狼氏掌執鞭以趨辟王出入則八人夾道公則六人

侯伯則四人子男則二人

條音滌辟音闕。註趨辟趨而辟行人疏序官條狼氏下

士六人今云天子八人少二人矣蓋取胥徒中兼充也按序官之誤當改正作八人

凡誓執鞭以趨于前且命之誓僕右曰殺誓馭曰車轅誓

大夫曰敢不關鞭五百誓師曰三百誓邦之大史曰殺

誓小史曰墨

大史音泰。註前所誓眾之行前也有司讀誓辭則大言其刑以警誓者出軍及將

祭祀時也出軍之誓誓左右及馭按誓大夫以下皆誓祭祀也關者告白於王敢不關句該下三官僕革車御

右車右此凡革車之僕右故刑止於殺馭王革路御馭

該戎右曰車轅則刑重於殺矣車轅車裂也大夫祭祀

分掌事者師樂官大史小史主禮事者大史掌禮書大

祭祀與羣執事讀禮書而協事祭之日執書以次位常

辯事者攷焉不信者誅之小史大祭祀讀禮灋以書敘

昭穆之俎簋二官於祭事所係重故灋嚴也若師則樂

與禮相將大祭祀用盛樂所以和悅神示人鬼者在是  
斷不容苟故嚴飭之上師五戒一曰誓惟用之於軍旅  
而祭祀亦用之國之大  
事在祀與戎於此可見

○脩閭氏掌比國中宿互櫜者與其國粥而比其追胥者

而賞罰之。粥音育。註國中城中粥養國所游養漢卒也按追胥竭作故并比國粥鄭司農云宿宿

衛互行馬以障互禁止人櫜行夜擊櫜

禁徑踰者與以兵革趨行者與馳騁于國中者。註皆為其惑眾徐氏

曰且疑其姦非按此行於常日

邦有故則令守其閭互唯執節者不幾。註令令其閭胥按互與上宿互之互

同閭外皆互外禦人而內馮以守即桂桓疏有故大喪寇戎恐有姦非命各守閭

○冥氏掌設弧張為阱獲以攻猛獸以靈鼓毆之冥莫經反又音

覓。設弧張張強弓勁弩於猛獸之要路令觸機而射斃之靈鼓八面鼓毆使驚趨弧張阱獲處○若

得其獸則獻其皮革齒須備鄭司農曰須頤下須備搔也

○庶氏掌除毒蠱以攻說禴之嘉草攻之庶註作者煮章語反說如字禴古

外反。註毒蠱蟲物病害人者賊律敢蠱人及教令者棄市按攻說禴六祈之三蠱有妖神攻責之說陳正義禴則合神祇與蠱同祭使妖神不敢留也嘉草藟荷今甘露也吾越名蜜波羅又名芭蕉柳子厚種白藟荷詩庶氏有嘉草攻禴事久泯是嘉草即藟荷也以結苞如大茵苕故名名甘露蜜波羅者苞圻每瓣排白花長三尺許中含宿露味甘如蜜故也云芭蕉者葉廣二尺長五六尺註攻之謂燠之疏攻說禴之去其神嘉草攻之去其身○凡毆蠱則令之比之比必里反。令比指庶氏欲毆之盡故既令之而又

次比之

○穴氏掌攻蟄獸各以其物火之

註蟄獸熊羆之屬冬藏者也按以其物火之燒

所食之物於穴外誘出之乃可攻而得也蟄時驚猛殺故攻必於蟄

○以時獻其珍異皮

革珍異如熊掌之類皮與革可爲器用之須獻以時當在蟄時獻也

○翬氏掌攻猛鳥各以其物爲媒而拑之

翬式至反拑居綺反註猛鳥

鷹隼之屬置所食之物於絹中鳥下則拑其腳按亦有用其鳥爲媒以誘之如雉媒者說可參

○以時

獻其羽翮

翮戶革反

○柞氏掌攻草木及林麓

柞側百反註林人所養者山足曰麓疏此柞氏與雉氏治

地皆擬後

○夏日至令刊陽木而火之冬至令剝陰

年種田

木而水之。

註刊剝互言皆斫去次地之皮生山南為陽木生山北為陰木火之水之使其肆不生疏

夏刊陽木冬剝陰木者夏至陰生冬至陽生陽木得陰而鼓陰木得陽而發故須其時而刊剝之山虞取其堅韌冬斬陽夏斬陰此欲死之故夏陽冬陰按夏山南日烈刊而火之即焦灼而死冬山北沍寒剝而水之則凝冰而斃於二至則又絕其生息之機也

○若欲其化也則春秋變其水火

化化土使膏腴也註變其水火所火則水之所水則火之則其土和美

○凡攻木者掌其

政令

攻木除木凡欲除木為田其政令皆掌之使準刊剝水火化土之灋

○薙氏掌殺草春始生而萌之夏日至而夷之秋繩而芟

之冬日至而耜之

薙音鬚繩音孕異證反芟所銜反。萌之所其萌也夷之以鉤鎌迫根芟

平夷之於夏至日夏長養至日一陰起根芟必夷之乃不再生也含實曰繩猶孕也芟其繩則實不成而不能



易種。耕之以耜，割根而反其土，於冬至日絕之。於一陽生也，春萌夏夷，當年可種。秋繩亦隨可種。麥惟冬耜，當待來年耳。○若欲其化也，則以水火變之。註：火燒所芟萌已而水之，其土亦和

美矣。月令：季夏燒薤行，水利以殺草，如以熱湯。○掌凡殺草之政令。

○若蓐氏掌覆天鳥之巢。若梯益反。蓐，蒼屋反。覆，芳六反。天音妖。註：覆猶毀也。按天鳥

怪異不祥之鳥。鄭剛中曰：唐子西云：吾少讀若蓐氏庭氏，以為不急之務。後讀聖惠方，言有鳥夜飛，謂之無辜。小兒衣服遭之，輒成疾，以無辜名之，狀如五疳。是以知天鳥之害。周公所建置，不可謂不切於事。○以

方書十日之號，十有二辰之號，十有二月之號，十有二

歲之號，二十有八星之號，懸其巢上，則去之。縣音懸。註：方，版也。

以從甲至癸，辰從子至亥，月從陬至涂，歲從攝提格至赤奮若，星從角至軫。按月欠月陽畢至極，歲欠歲陽闕。

逢至昭陽當補入王介甫曰日辰月歲星之神凡有氣  
刑者制焉故書其號可以勝天鄭剛中日鵲忌庚燕避  
戊己蜃逢申日過街鵲作巢避太歲狐潛上伏不越度  
阡陌虎豹知衝破然則鳥避此五者制伏之理或爾但  
非明哲有所不知

○翦氏掌除蠹物以攻崇攻之以莽草熏之禁音詠○註  
蠹物穿食人

器物者蠹魚亦是攻崇祈名○凡庶蠱之事庶註作者  
一讀如字

○註庶除毒蠱者蠱蠱之類疏除蠱自是庶氏此云凡  
庶蠱者同類相兼左右掌之鄭剛中日日南蠻友以五  
月五日聚百種蟲大至蛇小至蠱合置皿缶中餓使相  
啗其獨存者為蠱以其矢因食入人腹人輒死按蠱類  
至多此  
其一種

○赤友氏掌除牆屋以蜃炭攻之以灰洒毒之友音拔蜃  
是忍反○

註洒灑也除牆屋除蟲豸藏其中按屨炭燒大蚌為炭灰炭之化者以屨炭攻之當是燒屨炭令聞氣而走毒者淳屨灰灑之則死也 ○凡隙屋除其狸蟲狸莫皆反○狸埋通註狸蟲虛肌蛛之屬

○蝮氏掌去龍鼠焚牡鞠以灰洒之則死蝮音國龍烏瓜

居郁反○註牡鞠鞠不華者齊魯之間謂龍為○以其

蝮鼠耿鼠蝮與耿鼠尤怒鳴聒人耳故去之○以其

煙被之則凡水蟲無聲杜子春日假令風從東來於水東為煙令西行被之按煙焚牡

○壺涿氏掌除水蟲以炮土之鼓毆之以焚石投之涿知

炮步交反○註水蟲狐蟻之屬炮土之鼓瓦鼓也焚石投之使驚去按以土制水也炮土為臯鞠冒以革革音出坎黃鐘宮位宮土也故擊此鼓毆之石土氣所聚凝焚之土氣盛發投水聲烈水沸亦能殺之○若

欲殺其神則以牡樟午貫象齒而沈之則其神死淵爲

陵

樟書或爲樗又枯辜二音○神水中妖異能爲害者杜子春云樟或爲樗榆木名按牡樟不花者性純陽

疏午貫十字爲之樟穿孔象牙貫之爲十字按樟性燥淫殺蟲象具十二生肖之肉膾在足隨四時流轉蓋備陰陽五行之巨獸也而其齒以雷震生花威烈可知水神陰怪淵潛尤物之至陰以象齒貫純陽之樟而沈之故神死而淵爲陵也午貫作十字十土數故書作五五亦土數皆以土制水之義聖人制妖異無奇術唯取陰陽五行之相制而已矣

○庭氏掌射國中之夭鳥若不見其鳥獸則以救日之弓

與救月之矢射之

射食亦反下同○註不見鳥獸夜來鳴呼爲怪者按獸狐屬鄭司農云救

日之弓救月之矢日月食所作弓矢按日月食陰陽相勝日食射羣陰月食射羣陽春秋傳日食伐鼓責羣陰

也若大陽必不可射註非是

○若神也則以大陰之弓與枉矢射之

註神非鳥獸之聲若叫於宋大廟諱諱出出者大陰之弓救月之弓按枉矢結火而射象流星或即救日之矢

救日用枉矢或救月用絜矢

○銜枚氏掌司囂

註察囂謹者

國之大祭祀令禁無囂

註令令祭祀者

軍旅田役令銜枚

註爲言語相誤

禁詬呼歎鳴于國中者行歌哭于國中之道者

詬音叫○註爲惑眾

相感動也鳴吟也鄭剛中曰禁爲妖異之聲以惑眾耳

○伊耆氏掌國之大祭祀其其杖威

威音函戶緘反○註威讀爲函老臣雖杖

於朝事鬼神尚敬去之有司以函藏之既事乃授之

軍旅授有爵者杖註別吏卒且扶尊者將軍杖鉞黃文叔曰有爵者有統率在軍見王見帥執杖

今三衙官常朝亦執杖也

共王之齒杖

鄭司農曰年七十當以王命受杖註王賜老者之杖王制曰五十杖於家六十杖於鄉七十杖於國八十杖於朝按當言內則王制錄內則漢人書不必引王氏曰秋物成而養老故列職於此

周官心解卷第二十四終

周官心解卷第二十五

秋官司寇第五之四

○大行人掌大賓之禮及大客之儀以親諸侯

註大賓要服以內諸

侯大客其孤卿鄭剛中曰語其體曰禮見於揖遜周旋曰儀禮見於威儀威儀本於禮異言者別尊卑也按禮

大端儀

細節也

春朝諸侯而圖天下之事。秋覲以比邦國之功。夏宗以陳天下之謨。冬遇以協諸侯之慮。時會以發四方之禁。殷

同以施天下之政

朝直遙反後皆同。朝覲宗遇會同六者大賓之禮王待以賓禮因此六

事關係最大固宜有以親之註六事以王見諸侯爲文按朝覲宗遇會同諸侯見王其禮皆因時而異者圖事王與諸侯圖興舉之事也或築城邑以封或開通水道陂障大澤或要害置守事皆關於天下者也此功卽比校所事之功王令諸侯於農隙興功至秋功竣故因覲而比之謨謀也不必舉事而有漸移默奪之權所謂謨也或某國當歸以財某國當助之守某國當共加慰勉某國當假命訓戒所以消一時之反側而致天下於久安於夏宗令陳謨王卽以此命諸侯同奉此所謀也慮計慮卽所以慮此謀者慮不協所謀或不成故於冬遇時訓諭以協之也時會卽時見六服見王各有定時此則王將征伐不順之國命與事諸侯非時來見而行會禮也禁者軍禁司馬九灋中事司馬之灋大國三軍次國二軍小國一軍卽立禁以糾之所謂制軍詰禁以糾邦國是也此時欲用之以征伐乃開發此禁而行九伐註殷同卽殷見王十三歲一巡狩若不巡狩則殷同按



六服盡朝一星既終王與天下更始乃施天下之政也  
註政邦國之九遠按時會殷同皆爲壇於國門外會諸  
侯而盟之時會之盟一殷同之盟四以殷同諸侯四方  
四時分來歲終乃徧也若常朝亦一歲而徧六服來見  
歲各不同至來見則分四時東方春朝南方夏宗西方  
秋覲北方冬遇亦皆有盟以覲禮有盟可推也夫常朝  
有盟則王狩分見諸侯亦四盟於方嶽可知矣夫周制  
六服分見此朝覲宗遇第一服中事耳然而圖事曰天  
下陳謨曰天下與時會殷同言四方天下不殊也蓋聖  
人知周海甸求治至殷固不以已治已安而聽之也道  
一風同治功  
日上立哉  
○時聘以結諸侯之好殷賴以除邦國之  
慝好呼報反類音俯。時聘至致禴六者皆王遣使禮  
諸侯者時聘二項則答諸侯者間問以下四項統舉  
恩禮言之鄭剛中曰諸侯事天子有時聘殷賴大宗伯  
時聘曰問殷賴曰視是也天子於諸侯亦行時聘殷賴  
之禮以答之按諸侯殷覲之覲從見音羅天子殷賴之  
賴從頁音俯一以仰瞻爲義一以俯視爲義大不同矣

鄭氏混而一之非是時聘猶時會無常期因諸侯時聘而報之故曰結好也殷眾也亦中也諸侯殷眾在朝之第三年第六年蓋遣卿大聘也天子亦徧遣使者報之謂之殷類諸侯或相怨惡使者察知即與講解除去是除邦國之慝也○閒閒以諭諸侯之志歸服以交諸侯之福賀

慶以贊諸侯之喜致禴以補諸侯之裁

閒記莧反服上軫反禴古外反

又音會。註閒閒歲一問諸侯存省之屬諭諸侯之志諭言語諭書名其類也交或往或來者也贊助也補諸侯裁者若春秋澶淵之會謀歸宋財按禴凶禮之一大宗伯凶禮五除喪禮外荒禮哀凶札弔禮哀禍災禴禮哀圍敗恤禮哀寇亂合言之四者皆諸侯之裁也言致禴合眾財以補其不足荒弔恤三禮胥括之聖經當善會

以九儀辨諸侯之命等諸臣之爵以同邦國之禮而待其

賓客

此爲下上公之禮以下至大夫士亦如之十數行總綱註九儀命者五公侯伯子男爵者四孤卿大

夫士按諸侯言命上公至子男皆命於天子諸臣言命大夫士出於其君也爵命至不同而曰同者命同者同其禮爵同者同其禮斯辨至明而等不紊雖邦國至眾無不可以禮同之於以待其君之爲賓臣之爲客者豈有幾微之差謬邪

上公之禮執桓圭九寸纁藉九寸冕服九章建常九旒樊纓九就貳車九乘介九人禮九牢其朝位賓主之間九十步立當車軹擯者五人廟中將幣三享王禮再裸而酢饗禮九獻食禮九舉出入五積三問三勞諸侯之禮執信圭七寸纁藉七寸冕服七章建常七旒樊纓七就

貳車七乘。介七人。禮七牢。朝位賓主之間七十步。立當前疾。擯者四人。廟中將幣三享。王禮壹裸而酢。饗禮七獻。食禮七舉。出入四積。再問。再勞。諸伯執躬圭。其他皆如諸侯之禮。諸子執穀璧五寸。纁藉五寸。冕服五章。建常五旂。樊纓五就。貳車五乘。介五人。禮五牢。朝位賓主之間五十步。立當車衡。擯者三人。廟中將幣三享。王禮壹裸不酢。饗禮五獻。食禮五舉。出入三積。一問。一勞。諸男執蒲璧。其他皆如諸子之禮。纁音藻。藉在夜反。旂音畱。樊步干反。乘繩證反。朝直遙反。軼音只。食音嗣。積子賜反。勞力報反。信音申。此大賓之禮儀。以同邦國之諸侯者。以命爲差而同。

之纁藉以元表纁裏爲圭璧藉也圭纁赤白蒼三采璧纁朱白二采若奠玉則以藉之冕服著冕所服上衣下裳也九章自山龍以下衣五裳四章七章自華蟲以下衣三裳四章五章自宗彝以下衣三裳二章常旗也旂屬慘而垂者樊馬大帶纓馬鞅皆馬飾以韋爲之就成也公侯伯三采爲一就子男二采爲一就貳車副車介輔從行禮者註禮大禮饗饋也三牲備爲一牢朝位大門外賓下車及王車出迎所立處也王始立大門內交擯三辭乃乘車迎之齊僕爲之節也按擯從王迎賓相禮者廟受命祖之廟享獻所操於王皆以璧琮致之必三成禮也王禮王以鬱鬯禮賓也饗設盛禮以飲食賓也食烹太牢以食賓也獻親酌拜送以飲賓舉舉牲體以食賓問問在道無恙勞慰在道勤苦積在道共給有半米薪芻禾上公九命禮儀皆以九爲節桓柱也圭刻雙柱而九寸軹車軸末在疾後再裸而酢王裸賓宗伯攝后亞裸上公乃酢裸王也擯五人酌九介之數而損其半弱出入五積三問三勞上公尊其禮盛也侯伯七命禮儀皆以七爲節信圭躬圭象人形信直躬俯以爲

差數疾轉曲處在衡後壹裸而酢無后裸也擯四人酌  
七介之數而損其半弱出入四積再問再勞降於上公  
也子男五命禮儀皆以五爲節不執圭而執璧非成國  
也穀璧刻穀形取其養人蒲璧刻蒲形取其安人衡在  
馬頸去車前數尺擯三人酌五介之數而損其半弱壹  
裸不酢王裸而止不敢酢也出入三積壹問壹勞殺於  
侯伯也案司儀凡賓客送逆同禮此上公出入五積誠  
送逆同也而三問三勞卽繼其後則出入問勞亦然矣  
侯伯子男及孤卿等皆當準此疏三勞者小行人逆勞  
於畿覲禮至於郊王使人皮弁用璧勞註郊近郊按此  
使人必孤卿等下小行人郊勞爲承而擯小行人下大  
夫也不爲上擯而爲承擯則使人之位尊可知疏以大  
行人言使人誤矣況郊勞重禮諸侯相爲賓主君親出  
郊勞王欲親侯可不使孤卿等大臣耶惟遠郊之勞或  
大行人爲之耳

凡大國之孤執皮帛以繼小國之君出入三積不問壹勞

朝位當車前不交擯。廟中無相以酒禮之。其他皆眡小

國之君。

相息亮反。此及下節大客之禮儀以同邦國之諸臣者。註孤僉既聘享更自以其贊見執束

帛豹皮表之。繼小國之君言次之也不交擯不使介傳辭交王之擯親對擯也。廟中無相介皆入門西上而立

不前相禮按以酒禮之酒醴也。其他貳車及介牢禮擯者饗食之數小國之君子男也。三積與子男同與侯伯

之卿亦同不問與子男異。壹勞與子男同朝位又與子男異不交擯亦異無相又異疏若行正聘則執瑑圭璋

八寸不得執皮帛也。侯伯以下臣無更見。濫惟大國孤尊故天子別見之。趙商問孤執皮帛所尊多下云其他

眡小國之君以五爲節下諸侯之卿各下其君二等以

下註云公使卿七侯伯五子男三不審大國孤五而卿

七何答曰卿奉君命七介孤尊自特見故五介又問孤

出入三積卽與小國同何須特云三積答曰三積者卿

亦然非獨孤也不在視小國之中然則一勞者亦是卿亦然故須見之

凡諸侯之卿其禮各下其君二等以下及其大夫士皆如

之

註下其君者介與朝位賓主之間也其餘則自以其爵聘儀上公七介侯伯五介子男三介是使卿聘之

數也朝位則上公七十步侯伯五十步子男三十步疏大夫士皆如之大夫又下卿二等也士無聘無介數言如之牢禮又降殺於大夫二等也聘義惟見卿下君二等不見大夫下卿二等聘禮小聘使大夫其禮如爲介三介侯伯大夫三介則三十步上公大夫五介當五十步子男大夫一介十步可知

邦畿方千里其外方五百里謂之侯服歲壹見其貢祀物

又其外方五百里謂之甸服二歲壹見其貢嬪物又其

外方五百里謂之男服三歲壹見其貢器物又其外方

五百里謂之采服四歲壹見其貢服物又其外方五百



里謂之衛服五歲壹見其貢材物又其外方五百里謂

之要服六歲壹見其貢貨物

見賢徧反。九貢以太宰文爲的此服物當作幣物

以服物卽禹貢卉皮等服外夷所貢故也要服蠻服也蠻服去王城二千里相距方四千里卽職方之九州也公侯伯子男所封其朝貢之歲四方分四時而來東朝春南宗夏西覲秋北遇冬祀物犧牲之屬嬪物絲枲器物銀鐵丹漆等幣物玉帛皮馬材物入材貨物龜貝也按此因朝而貢卽大宰九貢亦卽小行人春入貢之貢蓋歲之九州之外謂之蕃國世壹見各以其所貴寶爲常貢也九州之外夷服鎮服蕃服也曲禮東夷北狄西戎

摯南蠻雖大日子然則九州之外皆子男也無朝貢之

歲父死子立及嗣王卽位乃一來耳各以其所寶貴爲摯則蕃國之君無執玉瑞者是以謂其君爲小賓臣爲小客按蕃國之貢大宰所云七日服貢八日旂貢九日物貢是也此係定議必不可紊鄭註卽以摯爲貢非是

又註引王會解但汝豕周書康成時未出安得  
有此引用可知鄭註爲後人竄易者亦不少矣

王之所以撫邦國諸侯者歲徧存三歲徧類五歲徧省七

歲屬象胥諭言語協辭命九歲屬瞽史諭書名聽聲音

十有一歲達瑞節同度量成牢禮同數器脩瀆則十有

二歲王巡守殷國

屬章束反。註撫猶安也存類省所謂問問也歲者巡狩之明歲以爲始

屬猶聚也按自五歲後間歲遣使敷此三禮存後類類後省也六歲六服之朝已徧至七歲而六服再朝於此

更始去前之巡守既頗遠繼此之巡守將來故於此六歲中預整飭以俟也七歲徧存之歲也於此聚諸侯之

象胥而諭協其言語辭命象胥通異語之官九州之地鄉音殊別遠者雜夷蠻之俗言語侏儻辭命粗獷非講

解以諭之和順以協之至巡守時必不能曉王訓詰應對從禮也而事必須積久故先屬象胥以教之九歲又

循頒之歲也。藝諸侯樂師史其大小史也。書字名音讀  
諭史使傳誦講習以浹聖教。同文中事也。聲五聲音八  
音令瞽聽之以去土音之戾。斯化易成。此陶淑中事。此  
及下五者皆循於九州十有一歲。又徧省之歲也。璫諸  
侯所執玉節節金節竹節等度丈尺之度量斗斛之量  
包權衡數器禮器尊彝簠簋鼎彝登銅等形有度數容  
有量數者灋則即太宰八灋八則諸侯治官府用灋治  
都鄙用則也。連者輯諸王以合之而復頒發同者王使  
以度量比勘令畫一成定也。準命爵爲定制而使不變  
脩者更加整飭以俟考績也。十二年實十三年諸侯再  
朝而王一巡下勞上逸也。王巡守諸侯朝於方嶽皆分  
方分時春於泰夏於衡秋於華冬於恆而賞功討罪於  
此行之王不巡守則殷國即同也。王亦至東都諸侯亦  
分時分方而至東諸侯朝春南諸侯朝夏西諸侯觀秋  
北諸侯遇冬亦賞功討罪而加之盟約所謂殷同以施  
天下之政是也。同分四時則四盟王巡守亦當如此。

凡諸侯之王事辨其位正其等協其禮賓而見之

註王事以王之

事來也。按位有尊卑辨之使不紊。正等使同位共爲一等也。疏禮牢禮饗燕積膳之禮。按賓當作擯。大行人爲擯而見之王也。

若有大喪則詔相諸侯之禮。

相息亮反。○註詔相左右教告之。疏諸侯爲天子斬其哭

位周旋擯踊進退皆有禮灋。

若有四方之大事則受其幣聽其辭。

註四方之大事國有兵寇諸侯來告急者

禮動不虛皆有贊幣聘禮若有言則以束帛如享禮。

凡諸侯之邦交歲相問也。殷相聘也。世相朝也。

註小聘曰問。殷中也。

按邦交亦貴重禮而重禮不能頻舉故酌時之中而爲之問使大夫此聘使卿禮幣亦非問可比者朝則君親之其禮尤盛父死子立曰世必世始朝大禮不容瀆也然曰相問相聘相朝則此往彼來與春秋屬國事伯主

之禮大別矣疏言諸侯邦交謂同方嶽者

○小行人掌邦國賓客之禮籍以待四方之使者使色吏反○禮

籍待諸侯為賓其臣為客之書也疏大行人待諸侯小行人待諸侯使者其禮籍則諸侯及臣皆在焉

令諸侯春入貢秋獻功王親受之各以其國之籍禮之此

侯每歲常貢太宰之九貢也但據六服言耳獻功獻圖事之功也當朝之歲諸侯以觀此功此則遣使獻王若考績之功必於歲終矣禮禮其使者據客之禮籍

凡諸侯入王則逆勞于畿勞力報反○鄭司農曰入王朝於王○及郊勞抵

館將幣為承而擯註承猶丞按即次擯使勞賓於郊抵館於賓及賓三享將幣小行人皆為

次擯將幣宗伯為上○凡四方之使者大客則擯小客

則受其幣而聽其辭

註損者損而見之王使得親言也受其幣者受之以入告其來之事

使適四方協九儀賓客之禮朝覲宗遇會同君之禮也存

頒省聘問臣之禮也

註適之協合也黃文叔曰朝覲宗遇會同諸侯以尊天子而通乎兩

君之相朝皆君禮存頒省天子以撫諸侯聘問邦交歲相問殷相聘皆臣禮按君禮以命協臣禮以爵協咸使

協於九儀

達天下之六節山國用虎節土國用人節澤國用龍節皆

以金爲之道路用旌節門關用符節都鄙用管節皆以

竹爲之

此小行人徧結諸侯令通行無阻者金節諸侯使臣所執都鄙不用角節而用管節降於王都

鄙也文見地官掌節但彼據王國之節此則頒侯國者耳無璽節璽節商賈貨賄所用掌於畿內之司市司關

侯國貨賄至關司關授之易貨賄於司市司市授之出  
關司關驗明繳存司關不出王畿故不達璽節疏掌節  
守邦國者用玉節此不言達玉節文畧按玉節諸侯之  
守圭下公桓圭至男蒲璧是也來朝時合之掌節云守  
邦國玉人云公侯  
伯守之久一物也

成六瑞王用瑱圭公用桓圭侯用信圭伯用躬圭子用穀

璧男用蒲璧

瑱音鎮信音申。成者和合之義桓圭至

於來朝合諸冒以防偽瑱作鎮大宗伯鎮圭尺有二寸  
王以朝日則王執以接神示者也亦須成侯考桓信等  
朝見王所用亦  
用之以相朝

合六幣圭以馬璋以皮璧以帛琮以錦琥以繡璜以黼此

六物者以和諸侯之好故

琮才宗反琥音虎璜音黃好  
呼報反。合配也註諸侯享

天子用璧享后用琮大如瑞庭實以馬若皮皮虎豹皮用圭璋者二王之後也於諸侯亦用璧琮子男用琥璜下其瑞也凡二王後諸侯相享之玉大小各降其瑞一等及使卿大夫頻聘亦如之圭璋六者註見大宗伯作六器文帛元纁錦織以金采繡五采織黼黑白作斧文王光遠日以通情來謂之好因事來則謂之故按此朝王三享所用諸侯相朝享亦用之並及臣下聘時之享

若國札喪則令賻補之若國凶荒則令賙委之若國師役則令槁禴之若國有福事則令慶賀之若國有禍裁則令哀弔之凡此五物者治其事故賻故書作傳槁讀作槁可與反禴古外反又音會。鄭司農曰賻補賻喪家補其不足若今一室二尸官與之棺槁槁師註師役者國有兵寇以致匱病使鄰國合會財貨與之宗伯職以禴禮哀圍敗禍裁水火疏凶禮五惟不見恤以義差之當於師役中兼之李



子華曰此五物大宗伯已具是禮小行人則令行是禮諸侯不得私交故小行人令之按此備大宗伯之五凶禮而加以嘉禮之一凶禮以喪禮哀死亡以荒禮哀凶札一主有國一主民此曰國札喪令賻補賻卽喪禮之哀補則民札而不足故補之亦荒禮中事凶荒卽荒禮之凶闕者助益民之在者委則給其游食之民師役令補禮補勞也以王命行師則有稿此在凶禮之外禴則兼圍敗寇亂二者而恤亦該之凶禮之二也禍裁哀弔正弔禮之哀既裁若慶賀則嘉禮中五事之一旣哀其凶又贊其喜同憂樂之義也大宗伯主王加恩於邦國此令諸侯加禮於邦國也旣令之而復治其事故則財之宜重宜輕胥因其事爲等差而窘急之邦仍可與矣

及其萬民之利害爲一書其禮俗政事教治刑禁之逆順爲一書其悖逆暴亂作慝猶犯令者爲一書其札喪凶

荒厄貧爲一書其康樂和親安平爲一書凡此五物者

每國辨異之以反命于王以周知天下之故

治直吏反樂音洛。

註惡惡猶圖也鄭剛中曰康樂民樂和親鄰國交歡安平其國寧靜徐氏曰錄其利害則興除之宜在是錄其逆順則慶讓之道在是錄其悖逆等則征誅之舉在是錄其札喪與其康樂等則休戚共之矣此五物每國辨異以爲使歸獻王必有以處此矣

○司儀掌九儀之賓客擯相之禮以詔儀容辭令揖讓之

節

相悉亮反

將合諸侯則令爲壇三成宮旁一門

合諸侯兼會同及四時朝覲巡宗爲壇將

盟也宮壝土爲牆所謂壇壝宮宮旁一門則四門也天子春帥諸侯拜日於東門外夏禮日於南門外秋禮山

川邱陵於西門外冬禮月四瀆於北門外既拜禮加方  
明於壇上而祀然後盟也觀禮爲宮方三百步四門壇  
十有二尋深四尺觀禮秋觀之禮四朝之一尙爲壇而  
盟則三時亦盟可知四時巡守方嶽更無不可知後儒  
諱言盟誓謂非盛世所有非也夫人心至畏莫如鬼神  
試觀世間奸凶狡詐之夫不忌王法不憚上官一臨詛  
盟之地則戰慄而不敢欺若已對神立誓寧行詐於異  
事而所盟必不敢背此盟可倚恃之明驗也況天子合  
數百國各據土地各擁眾庶甲兵之諸侯其中豈無奸  
凶狡詐如後世之不肖者而曰吾以恩給之以義正之  
以誠信孚之又安事盟恐堯舜在上亦難保其不朝令  
而夕背矣惟聖知此既設司盟又設司約自邦國及庶  
民莫不有盟小約劑書於丹圖至大約劑則大史六官  
貳之並書之享神之宗彝至闢盟不信小者墨大者殺  
並刑殺亦於此定焉而尙謂盟可廢乎○詔王儀南鄉  
然則周合諸侯無不有盟一定無疑矣

見諸侯土揖庶姓時揖異姓天揖同姓

鄉許亮反。王入壇宮諸侯皆

入司儀詔王升壇南鄉立諸侯皆北面王揖之諸侯乃就位諸公位於壇前北面東上諸侯位壇東南西面北上諸伯位壇西南東面北上諸子門東北面東上諸男門西北面東上註揖之者定其位也庶姓無親者也土揖推手小下之異姓昏姻也時揖平推手也天○及其揖推手小舉之疏土揖庶姓以下先疎後親○及其

擯之各以其禮公于上等侯伯于中等子男于下等此

下將幣禮據會同合諸侯若四時朝見受玉於廟享於廟裸於廟也若巡狩當在明堂此於壇合諸侯因盟故不及盟盟約禮儀職於司盟非司儀所掌故也註擯各以其禮擯公五人侯伯四人子男三人上等等下等奠玉處壇三成深四尺一等一尺壇十有二尋方九十六尺堂上二丈四尺每等丈二尺諸侯各於其等奠玉降拜升成拜乃○其將幣亦如之其禮亦如之註將幣升堂授王玉○其將幣亦如之其禮亦如之註將幣以鬱鬯裸之皆於其等按○王燕則諸侯毛疏不問爵祀方明而盟當於此後○王燕則諸侯毛尊與取年

齒為先後

凡諸公相為賓註相朝也○主國五積三問皆三辭拜受皆旅

擯再勞三辭三揖登拜受拜送積子賜反旅如字又音

行人出入五積五積兼來去積及問皆三辭拜受積辭

受其牢問辭受其脩也不云登受受於庭也意使者以

士為之故不升堂旅擯陳擯而不傳辭該再勞大夫勞

於境卿勞於遠郊卿大夫尊故登受於堂辭受據勞幣

言拜送又該積問○主君郊勞交擯三辭車逆拜辱三揖三辭

拜受車送三還再拜還音旋下同○註主君郊勞備三

君為賓陳九介使傳辭也註車逆拜辱實以主君親來

乘車出舍門迎之若欲遠就之然見則下拜謝其屈辱

至去又出車若欲遠送然主君三還辭之乃再拜○致

送之按三辭重者先辭其來於外後辭其幣也○致

司儀

館亦如之。

致館主君親造賓也。賓至使大夫授之。君又造館親候之。疏皆有幣致之。

○致飧

如致積之禮。

飧素尊反。致飧使膳宰位同致積之士又掌客積視飧。上公皆五牢。故辭受等禮。

胥同。飧夕食。賓初至之禮。

○及將幣交擯三辭車逆拜辱賓車進答

拜三揖三讓每門止一相及廟惟上相入賓三揖三讓

登再拜授幣賓拜送幣每事如初賓亦如之及出車送

三請三進再拜賓三還三辭告辟。

相悉亮反。授依依註作受賓亦如之。依註作

債辟音避。

將幣兼執圭一段事正相朝之禮。據左傳

魯定邾隱執玉高與知兩君初見皆執命瑞下文還圭

則指賓瑞言事在將幣前而該諸將幣知每事如初句

統括授圭三享在內矣。交擯三辭辭執圭行朝禮車逆

拜辱以辭之不得乘車出逆見賓即拜其辱也。車進答

拜賓見主君拜辱汲進車下答主拜也。三揖三讓主入

門揖讓每門如此相介擯者先止居末者後次第止之至廟門惟上介上擯得入也此三揖三讓爲升堂登升堂也再拜受再拜送兼授圭三享每事如初又兼三揖讓登每事登皆三揖讓皆再拜受再拜送也賓酌鬱鬯以裸賓上公再裸而酢皆揖讓登受送皆再拜也出賓禮畢而出賓乘車主亦車送之三請請送故車三進賓不敢當故三還車辭之再拜主以賓固辭故不車拜送而送止於此賓則不下答拜告辭辟去也註授幣授當爲受賓亦如之賓當爲饋以鬱鬯禮賓也上於下日禮敵者日饋

致饗餼還圭饗食

致贈郊送皆如將幣之儀

還音環食音嗣下同。六禮皆主君親之故儀各如將幣

饗餼將幣歸館後盛禮掌客上公九牢餼一牢腥四羶五米禾薪芻等物皆具掌客還圭受圭於將幣前歸饗後主親還於館重其事不敢久羈命瑞也饗食賓在國時盛禮掌客上公三饗三食大行人饗禮九獻食禮九舉致贈賓將去主以禮幣貨賄親贈其行郊送○賓之賓去主親送至近郊此皆有幣故如將幣之儀

拜禮拜饗餼拜饗食

註賓將去就朝拜謝此三禮三禮重也賓既拜主君乃至館贈之

疏聘禮饗餼燕羞俶獻之明日賓皆拜於朝將去又三拜乘禽於朝彼臣故盡拜謝君畧小惠惟拜大禮也

○賓繼主君皆如主國之禮

註繼主君饋主君也按主君郊勞致館饗餼還主贈

郊送時如其玉帛皮馬以答之註若饗食主君及燕亦速焉

諸侯諸伯諸子諸男之相爲賓也各以其禮相待也如諸

公之儀

註賓主相待之儀與公同饗餼饗食之禮則有降殺疏五等諸侯以命分三等圭璋饗餼饋積

步數擯介皆降殺進退揖讓之儀一與公同

諸公之臣相爲國客

註相聘也

○則三積皆三辭拜受

註受受於庭疏

聘禮不云積明不致積可知但不以束帛行禮致之豈於道全無積乎明有也

○及大夫郊勞



旅擯三辭拜辱三讓登聽命下拜登受賓使者如初之

儀及退拜送

賓依註作饋。大夫卿也。註登聽命賓登堂也。賓當爲饋。勞用束帛。饋用束錦。疏儀

禮此近郊勞。饋使者如初之儀。使傳命禮畢出門。賓以束錦饋使者如初行勞時儀。

○致館如初

之儀

致館亦使卿註如郊勞不言致餼。君於聘大夫不致餼。按歸餼不用幣帛行禮故聘禮曰餼不致賓

不拜。○及將幣旅擯三辭拜逆客辟三揖每門止一相及

廟唯君相入三讓客登拜客三辟授幣下出每事如初

之儀

辟音避相悉亮反。將幣中亦該授圭旅擯三辭主辭執玉行聘疏拜逆主君遣上擯納賓賓入大

門主君在大門內南面拜註客辟遠巡不答拜也唯君相入客臣也相不入矣拜主君拜客至三辟三退負序

也按每事授圭及三享如初盡如第一事禮儀君相主君上擯也客是臣雖上介不入廟

○及禮私

面私獻皆再拜稽首君答拜註禮以醴禮賓私面私覲

首臣禮也上將幣一節皆奉君命行禮禮加按再拜稽

禮於使臣面及獻則申使臣私敬故加稽首○出及中

門之外問君客再拜對君拜客辟而對君問大夫客對

君勞客客再拜稽首君答拜客趨辟辟音避勞力報反

之外即大門內按謂與聘禮不異也然聘禮據侯伯臣

說此據諸公之臣為客則彼自問君大夫於大門內此

自問於中門外大門庫門中門雉門國君送使臣不出

大門彼及送客止處乃問此聘君尊一出雉門即問也

其禮截然不同註未免蒙混又註問君曰君不恙乎對

曰使臣之來寡君命臣於庭問大夫曰二三子不恙乎

對曰寡君命使臣於庭二三子皆在勞客曰道路悠遠

客甚勞勞介則日二三子甚勞問君客再拜對者為敬

慎○致饗餼如勞之禮饗食還圭如將幣之儀郊勞使

卿致饗

儀亦屬故禮如之饗食二者皆君爲主人故如將幣之  
聘禮者上公之圭璋不同於侯伯又聘禮君使卿皮弁  
還玉於館賓皮弁襲迎於外門外不拜帥大夫以入大  
夫升自西階鉤楹賓自碑內聽命升自西階自左南面  
受圭退負右房而立與將幣稍不同矣此云與將幣同  
受玉於君與受玉於卿儀固有別也○君館客客辟介受命遂送客從拜  
辱于朝館客客將去君親就館省之故客辟不敢當而  
拜辱謝君親至從君於朝○明日客拜禮賜遂行如入  
而拜明謙且急於行也○  
之積禮賜該諸小賜不止乘食註  
如入之積三積從來至去

凡侯伯子男之臣以其國之爵相爲客而相禮其儀亦如

之相禮息亮反○國之爵君之爵也列國邦交大聘使  
卿小聘使大夫侯伯之卿下侯伯二等子男之卿下

子男二等其大夫各下一等士從爲介又從上中下降殺爲客命使相禮爲介儀亦如之儀亦不同胥準國爵降殺也

凡四方之賓客禮儀辭命餼牢賜獻以二等從其爵而上

下之

註上下豐殺也按禮儀辭命與餼牢賜獻同列據主國接之者說蓋不論君賓臣客皆以二等上下

如上公九數侯伯降二等爲七子男又降二等爲五公之卿降九爲七侯伯之卿降七爲五子男之卿降五爲三而大夫士又遞降二等此總諸國待爵命不同之賓客而槩括之

凡賓客送逆同禮

積及勞問出入皆同

○凡諸侯之交各稱其邦而

爲之幣以其幣爲之禮

稱尺證反○註幣享幣大國則豐小國則殺主國禮之如其豐

殺賄用束紡禮用玉帛乘皮及贈之屬疏此論享幣多少及主國報禮輕重之事

凡行人之儀不朝不夕不正其主面亦不背客朝如字○註撰相傳

辭時不正東鄉不正西鄉賓主前兩鄉之

○行夫掌邦國傳遽之小事敎惡而無禮者凡其使也必

以旌節雖道有難而不時必達傳張總反遽其豫反使色吏反難乃旦反○傳

遽若乘傳傳敎福慶等惡喪荒等事小無禮不以幣行行夫主使難遭疾病他故大者有禮大小行人使之有故則介傳命行夫無介而行雖有難不能時至必達王命也行夫下士三十二人胥入人徒八十人行或數人或一人亦有從者亦得代達王命

居于其國則掌行人之勞辱事焉使則介之行人即大小行人居則掌

行人勞辱事行人出使即爲之介也

○環人掌送逆邦國之通賓客以路節達諸四方邦國諸侯國通

賓客君及臣有事於邦國而路由王畿也環人則掌其送逆而以旌節達之言四方所往之國○舍則

授館令聚橧有任器則令環之註令令野廬氏按任器賓客所操慮刳竊故令

聚橧備之環圍守

凡門關無幾送逆及驪賓客得環人所授節凡所經諸國門關皆不幾而送之逆之必及於

國界也

○象胥掌蠻夷閩貊戎狄之國使掌傳王之言而諭說焉

以和親之闕迷巾反使色吏反○夷鎮蕃三服之臣來聘者以其不通中國語故象胥掌之

若以時入賓則協其禮與其辭言傳之註以時入賓其君世一來朝按外夷

君長未知見王之禮與對王之辭故象胥協  
之言傳之以其國語語之也此據見王言凡其出入  
送逆之禮節幣帛辭令而賓相之賓音橫相悉亮反下同。凡燕辭外夷君  
至出送人逆中間勞賜積贈王皆遣使致之禮節接見  
使者之禮重者致以幣帛輕者告以辭令象胥通夷語  
故令爲之擯相也  
此據接王使者言

凡國之大喪詔相國客之禮儀而正其位凡軍旅會同受

國客幣而賓禮之

國客外夷使者禮儀哭踊位哭位夷  
鎮蕃三服之君世一見或軍旅調發

四夷其君親帥師至或會同親來聽命皆遣使臣以幣  
先之象胥主受其幣也賓禮之以賓待其君也君親至  
禮同來朝  
優之也

凡作事王之大事諸侯次事卿次事大夫次事上士下事

庶子事有事於四夷作如射人作大夫作有爵者司士作士大事征伐等事次大事作卿卿尊而權重得生殺廢置次作大夫使行慶讓又次作上士諭之文告下事庶子庶子不命傳王命而已

○掌客掌四方賓客之牢禮餼獻飲食之等數與其政治直吏反。此節為下總綱政治檢核之

王合諸侯而饗禮則具十有二牢庶具百物備諸侯長十

有再獻長知丈反。王合諸侯不在國中故諸侯共饗王十二牢王全數也庶具俎簋鼎鉶等百物醢醢珍羞飲食等諸侯長為伯者也以伯為獻主十有再

獻王獻數也此及下節非待賓客之禮而賓客之禮由此差降故先之註說非是饗有定品九獻至五獻不過

一牢九俎此云十二牢意饗時不過一牢十二俎十二牢及庶具百物或於饗畢歸之此當善會三子澄問十

二俎三牲魚腊重膾腸胃此外當加何物曰雞馬犬膳



夫膳  
六牲

王巡守殷國則國君膳以牲饋令百官百姓皆具從者三

公眡上公之禮卿眡侯伯之禮大夫眡子男之禮士眡

諸侯之卿禮庶子壹眡其大夫之禮從才用反。此王

侯奉王之禮三公下至庶子王臣之貴賤備矣禮之

差前未之見因從王而著之見其皆準外諸侯及其臣

之禮而非有異也三公以下禮之皆隆一等尊王也王

合諸侯諸侯合饗王莫適為主也所至之國無享禮不

敢為主也註饋蕭栗之饋以膳天子貴誠牲孕天子不

食也祭帝不用也凡賓客則皆角尺令者掌客令主國

也百姓皆具言無不具備按巡守殷

凡諸侯之禮上公五積皆眡餼牽積子賜反下同。每積

牽牢五米五十車禾五

十車芻薪各百車三問皆脩羣介行人宰史皆有牢羣

眠殮者牢眠殮也以下九字依殮五牢食四十簋十豆四十鉶四十有二

註作誤行十有八牲當作腥。殮飪一牢食簋豆鉶壺鼎簋皆飪

壺四十鼎簋十有二牲三十有六皆陳十有八牲當作腥。殮飪一牢食簋豆鉶壺鼎簋皆飪

牢所有腥四牢無陪米百二十簋醯醢百饔禾四十車

芻薪各八十車此腥牢所有以車禾視死牢牢十車芻

薪倍禾也殮不及筥米車禾芻薪見于饔也無車米殮

後不久即歸饔筥米已足食也饔餼九牢其死牢如殮之陳牽四牢米

百有二十筥醯醢百有二十饔車皆陳車米眠生牢牢

十車車秉有五穀車禾眠死牢牢十車車三秬芻薪倍

禾皆陳百有二十饔之有二十三字疑誤當衍饔鳥弄

反車皆陳之車字衍文穀素口反耗丁故反。

養亦飭一牢亦食四十簋十豆四十鉶三十有八壺四十鼎簋十有二不著于飧例見也腥亦四牢亦三十有六與飧同筭米醯醢車禾芻薪飧于此例見醯醢之數以醢人醢人共賓客之數為正上公當百侯伯當八十子男當六十若上公百二十與王何別此百二十獲斷因上筭米百有二十而誤車米為生牢所有饗牽四牢禾當四十車禾以秣馬既死牢當五乘禽日九十雙殷十車芻馬草薪共爨倍禾各百車

膳太牢以及歸

乘繩證反下同

三饗三食三燕若弗酌則以幣

致之

食音嗣下同

凡介行人宰史皆有飧饗餼以其爵等為

之牢禮之陳數惟上介有禽獻夫人致禮八壺八豆八

邊膳大牢致饗大牢食大牢

八壺八豆八籩八疑誤皆當作十下文夫人致禮

侯伯壺豆籩八子男壺豆籩六上公數十方合差數

卿皆見以羔膳太牢

見賢遍反下同

侯伯四積皆眠飧牽

每積牽牢四米四十車禾

再問皆

脩飧四牢食三十有二簋八豆三十有二鉶二十有八

壺三十有二鼎簋十有二腥二十有七皆陳

飧一牢自食至簋

飧牢所有養飪牢準此飪牢所有亦準此腥三牢無陪

養餼七牢其死牢如飧之

陳牽三牢米百筥醯醢百饔皆陳米三十車禾四十車

芻薪倍禾皆陳

百饔之百字疑誤當作八十。養飪一

牢米醯醢腥牢所有此百饔又因上筥米米百筥而誤當作八十車米眠三生牢禾眠四死牢芻薪各八十車

乘禽日七十雙殷膳大牢三饗再食再燕凡介行人宰

史皆有飧饗餼以其爵等爲之禮惟上介有禽獻夫人

致禮。八壺。八豆。八籩。膳犬牢。致饗犬牢。卿皆見以羔膳。

特牛。

三饗疑當作再饗。

子男三積皆胝飧。

每積牽牢三。米三十車。禾三十車。芻

薪各六十車。

壺問以脩飧三牢。食二十有四簋。六豆二十有

四。鉶十有八。壺二十有四。鼎簋十有二。牲十有八。皆陳。

牲當作腥。煨飧一牢。自食至簋皆飧牢。所有饗飧牢。準此。飧牢所有亦準此。鼎簋十二。飧牢正鼎九。陪鼎三。

合十二。上公以下同。饗餼五牢。其死牢如飧之陳。牽二

牲。作腥二牢。無陪鼎。米八十筥。醢醢八十。皆陳。米二十車。禾三十車。芻

薪倍禾。皆陳。

八十。籩之八字疑誤。當作六。饗飧一腥二牽二。共五牢。死牢一飧二腥。合三牢。筥

米醢醢腥牢所有此八十。籩又因米八十筥而誤。乘禽當作六十車。米胝生牢。禾胝死牢。芻薪各六十車。

日五十雙壹饗壹食壹燕凡介行人宰史皆有飧饗餼以其爵等爲之禮唯上介有禽獻夫人致禮六壺六豆

六邊膳眡致饗親見卿皆膳特牛

○註積眡飧牽所共如飧而牽牲以往不

殺也按積共賓客在道食眡飧者牢數視之耳若米禾薪芻早具於遣人委人而掌訝致之若用器亦具於委人委人共野委兵器是也故簋鉶等器直不必言註似誤脩牛脩析牛肉加薑桂而乾之亦十脰爲束註上公三問皆脩下句羣介行人宰史皆有牢君用脩而臣有牢非禮也謂九字誤衍誠然按夕食曰飧客始至禮也註公侯伯子男飧皆飪一牢餘牢則腥食庶羞陳於楹外東西不過四列簋稻粱器公十簋堂上六東西夾各二侯伯八簋堂上四東西夾各二子男六簋堂上二東西夾各二豆菹醢器公四十四豆堂上十六東西夾各十四侯伯三十二豆堂上十二東西夾各十子男二十四豆堂上十二東西夾各六禮器天子之豆二十有六諸

公十有六諸侯十有二上大夫八下大夫六以聘禮差之堂上之數與此同銅羹器公銅四十二侯伯二十八子男十八非衰差也二十八書或爲二十四亦非也公三十於言又爲無施禮之大數銅少於豆推其差數公銅宜三十八堂上十八東西夾各十侯伯堂上十二東西夾各八子男堂上十東西夾各四壺酒器設於堂夾如豆之數鼎牲器簋黍稷器鼎十有二者飪一牢正鼎九與陪鼎三設於西階前簋十二者堂上八東西夾各二合言鼎簋牲與黍稷食之主也牲當爲腥腥鼎侯伯腥二十有七故腥字也腥鼎每牢皆九爲列設於阼階前公腥鼎三十六腥四牢也侯伯腥鼎二十七腥三半也子男腥鼎十八腥二牢也陳列也按餼無車米惟簋米爲腥牢所有以無生牢也註誤謂有車米故并禾芻薪諸註亦削之茲各詳本條之下不贅述註饗餼既相見致大禮也兼餼積有生有腥有熟按死牢如餼之陳飪牢陳於賓階腥牢陳於東階由聘禮餼饗陳列上推公侯伯子男卽一一可知註於飪牢食簋豆銅壺簋及腥已一一詳明簋米醢醢之陳亦本聘禮註簋米橫

陳於庭十爲列每筥半斛公侯伯子男黍梁稻皆二行  
公稷六行侯伯四行子男二行醯醢來餅從陳亦十爲  
列醢在碑東醢在碑西按醢醢百二十簋天子之數上  
公侯伯子男皆與筥米連文而誤據醢醢二職上公當  
百侯伯當八十子男當六十以天官賓客之禮共醢醢  
各五十爲上數也車皆陳註車字衍從之註車米載車  
之米也聘禮十斗曰斛十六斗曰藪十藪曰秉每車秉  
有五藪則二十四斛禾稊實并刈者聘禮四秉曰筥十  
筥曰稷十稷曰秬每車三秬則三十稷稷猶束米禾之  
秉筥字同數異禾之秉手把耳筥讀爲棟梠之梠一積  
也皆陳橫陳門外米在門東禾在門西芻薪取數於禾  
薪從米芻從禾也秉禽乘行羣處之禽雁雉之屬禮以  
雙爲數殷中也中又致膳示念賓若弗酌君有故不親  
饗食燕也不饗以酬幣致之不食以侑幣致之按主君  
不親燕仍以幣致待諸侯之禮也註疑其無而闕之非  
也凡介自上介至末介從君行禮者行人主往來任使  
宰卿大夫家宰從行者史府史之史煇饗餼醢卽積聘  
禮假道餼之積有生牢也以其爵等爲之牢禮之數爵



孤卿大夫士四命三命再命一命不命之差也。夫人致禮答賓朝享也。上公八豆八壺與侯伯同。非差數。三八字當作十。如是則公十侯伯八子男六庶乎差降秩然。邊豆陳於戶東。壺陳於東序。夫人禮賓皆大牢。於上公膳致饗致食於侯伯。膳致饗而無食於子男。膳視致饗并不饗矣。亦差降也。主國之卿於上公侯皆見以羔。顧於公皆膳大牢。而侯伯特牛於子男。惟親見者膳特牛而已。此又差降也。以羔執贄以見也。親見卿子男親就其家者。大國之卿當小國之君。故親見之上公之國。孤上亞二卿侯國亦上亞二卿。伯國上卿若同子男之國不親見也。凡親見卿皆卿就館見。不執贄。子男辭之。乃親見於其家。非卿不見子男也。疏此一經不見天子待諸侯禮而見諸侯自相待者。以外包內。天子待諸侯亦同。

凡諸侯之卿大夫士爲國客則如其介之禮以待之。諸侯

爲國客來聘問也。人有卿大夫士之別。又國有大國次國小國之分。待之禮如其爲介時。以三等國相朝皆孤

卿爲上介大夫爲次介士爲末介必分別以禮之各不同也如介禮介禮惟飧饗餼由其君差降爲國客更有饗食等禮亦由君差降故以如介統言之

凡禮賓客國新殺禮凶荒殺禮札喪殺禮禍哉殺禮在野在外殺禮殺所界反。國新當省用凶荒三者不專省用因凶事禮亦宜殺也凶荒無年札喪民疫死禍哉兵寇水火若在野外則獻象不出門嘉樂不野合不應舉行盛禮非徒不能備物之謂此經著禮之殺下三節著禮之變

凡賓客死致禮以喪用

註死則主人爲具而殯按喪用凡喪所須不惟奠物

○賓客

有喪惟芻稍之受

稍所教反。喪父母妻長子之喪客又有君芻給牛馬兼禾稍人廩兼薪

註其正禮殯饗餼主人致之則受

○遭主國之喪不受饗食受牲禮

依

註作腥。○註牲當為腥。按饗食禮盛非有喪所宜行故不受餼饗餼當熟者腥致之乃可受也。

○掌訝掌邦國之等籍以待賓客。訝誤化反。○註等九儀之差數。

若將有國賓客至則戒官脩委積與士逆賓于疆為前驅

而入。積子賜反下同。○官遣人委人遣人主具米禾委人主具薪芻士訝士前驅亦為之辟文見訝士。

○及宿則令聚櫟。註令令野廬氏。○及委則致積。委當作館後人改之遣人

三十里有宿宿有路室路室有委非兩地又五十里有市市有候館候館有積掌訝致積以此掌客積賓客止有牢不更

可知邪。

至于國賓入館次于舍門外待事于客。次張次以止其中次門外待事通客

所求

及將幣為前驅以訝有卿大夫士等故○至于朝詔其位

入復及退亦如之鄭司農曰詔其位告客以位次註入復者入告王客至退亦如之如其為

前驅疏朝大門外陳擯介處

凡賓客之治令訝訝治之賓客之治供給賓客諸具當治理者胥令訝治也○凡

從者出則使人道之從才用反道音導○註從者介以下人其屬胥徒使道營護之○

及歸送亦如之註如之者送至境如其前驅聚櫟待事之屬

凡賓客諸侯有卿訝卿有大夫訝大夫有士訝士皆有訝

註此朝覲聘問之日王使迎賓客於館疏聘禮記卿大夫訝大夫士訝士皆有訝賓即館訝將公命又見之以其繫聘問之日亦使之訝天子有掌訝之官朝覲聘問之日別使卿大夫訝諸侯兼官與此不同也

凡訝者賓客至而往詔相其事而掌其治令。相恐亮反。此總言掌訝。

事賓客至乃往待司關告王始訝也。凡事皆詔相令賓客不迷誤也。凡治令皆掌之使無失禮於賓客也。此治令兼該令訝以外者。

○掌交掌以節與幣巡邦國之諸侯及其萬民之所聚者

道王之德意志慮使咸知王之好惡辟行之。好呼報反下同惡烏

路反辟音避。註節以爲行信幣以見諸侯辟讀如辟忌之辟使皆知王所好而行之知王所惡辟而不爲。

使和諸侯之好。註有欲相好者。達萬民之說。說音悅。註說所喜

達者達之於王若其國君。

掌邦國之通事而結其交好。路隔難通者爲通之而使結好也。○以諭九

稅之利九禮之親九牧之維九禁之難九戎之威難乃旦反

○註諭告曉九稅所稅民九職九禮九儀之禮九牧九州之牧九禁九灋之禁九戎九伐之戎

○掌察四方闕

○掌貨賄闕

○朝大夫掌都家之國治朝直遙反治直吏反下竝同○都家大都小都家邑國王國都

家政治胥稟國灋已治當土國稽考凡此皆朝大夫掌之○日朝以聽國事故以告

其君長長知丈反○聽國事故都家治聽於國成事甚多朝大夫日告於朝令君及長遵而不背也大

都小都日君家邑日長序官以國言國兼家聽國事故恭順奉行之常職

國有政令則令其朝大夫政令如軍旅田役等事令朝大夫使告其君長奉行也朝大夫

王官可見  
馭之自王

凡都家之治于國者必因其朝大夫然後聽之惟大事弗

因都家治於國者事關功罪朝大夫親居其地知之易

後聽之既省事又事不蒙也大事亦朝大夫所上弗因

者功罪大非朝大夫所得專決故弗聽而上之國也

凡都家之治有不及者則誅其朝大夫治不及如都獄三

期也誅責重者加罪○在軍旅則誅其有司註有司都司馬家司

掌察掌貨賄惟闕後二官皆治邦國禮事者此朝大夫

掌都家之治與都則皆馭都鄙列大行人諸官之後以

○都則闕

○都則闕

○都士關

○家士關